

Fouxgyongraez Yauzczu Fuconh:

Gofoux Ndawbiengz Yauzczu Minghhoengh Yinxvunz

独具魅力的瑶族民间歌舞——富川瑶族长鼓舞

□ Lijvwnz Cujbingz



▲ Youq bakdou ginggih
lijyouz diuq hawj hekyouz yawj.

▲ Vunzmbanj gyaez yawj
foux gyongraez.

▲ Gyoengq hagseng Sinhvaez
Cuhcungh diuq foux gyongraez.



▲ Doihdiuqfoux bae Gvangj-
dungh Lenzsanh biujyienj.

Doengh bi neix daeuj, Fuconh Yauzczu Swciyen haenqrengz caux-guh “diegaeubae lizyouz vwnzva Yauzczu Cungguk”, dawz ciepswnj caeuq hoengzyiengz vwnzva lizsij Yauzczu caeuq hwngfat hongsaeh lijyouz daegsaek giethab hwnjdaej, daj yienghdingh caeuq yienghdoengh song fuengmienh bae guh ndei hong baujhoh foux gyongraez Yauzczu, gungganq ndei bouxswncienz foux gyongraez Yauzczu, caemhcai youq Sinhvaez Yang Mbanjhujmajlingj, Mbanjdacingj caeuq Sinhvaez Yang Cuhcungh laebbaenz le dieggoek swncienz. Seizneix, foux gyongraez Yauzczu mboujdan youq Mbanj-canghyienz Siusuij, Mbanjyauz Fung-hih, Huzsaenzien doengh dieg ginggih lijyouz haenx biujyienj, lij dawz daizheiq ietnangq daengz ndaw gih rog gih bae, baijyienj gij minghhoengh yinxvunz yiengh dijbauj vwnzva yisuz Yauzczu Fuconh neix hawj vunzlai roxyiuj.

Foux gyongraez Yauzczu caemh heuhguh foux gyongraez aenvenz Yauzczu, ndawbiengz heuhguh foux boq venz daemh gyong, dwg diuqfoux minzczu Yauzczu Fuconh gag miz, gyoebcomz miz Fuconh Bingzdiyauz lizsij vwnzva, guhhong gvaq saedceij, coenggyauq saenqyiengj, yisuz vwnzva, swncienz daengz seizneix gaenq miz 1300 lai bi lizsij, youq Fuconh Sinhvaez Yang, Fuzli Cin, Sizgyah Yang, Gozboh Cin doengh gij mbanj Bingzdiyauz haenx riuzcienz haemq hwnghoengh. Cungj foux neix youq ndaw yizsi cienzdoengj cuengqcae Buentvuengz Yauzczu caeuq mbanj hozdung guhmo gyaepfangz gyaepce, ywbingh suenqmingh seiz diuq lai, doeklaeng hwngfat daengz ngoenzciet cienzdoengj, angqhoh fungsou, senj haiej ranz moq, aeubawx haqsau

doengh ngoenz angqyangz biujyienj, seizneix gaenq baenz le hangh hozdung vunzlai doxcaemh guh’ angq ndeu.

Foux gyongraez Yauzczu Fuconh cingzciet sengdoengh, yiengh-foux rengzrdw cocat, diuhgo lwd-wenq gvangqlangh, gyaunde, ndiepcingz, funggek daegbied, daegsaek minzczu naekgywg. Yiengh-doengh diuqfoux gungh miz caetci b ngeih dauq, youh heuhguh caetci b ngeih bienq, youz foux gyongraez, yaem’ wenq buenx yienj, singhemq diuqfoux caeuq go gyongraez gyoebbaenz, seizneix cienz roengzdaej lij haemq caezcienz haenx miz gyaiej baiq seiq baiq, saulengj baenz sueng, naenghdangq caez, baihsuix caet daengj cib lai dauq dem, gij yienghdoengh diuqfoux de itbuen miz song vunz boq venz, song vunz roq gyong, song vunz roq laz roq cemq, seiq boux roxnaeuz roek boux vunzsai rengzak ram aen gyongraez hung caez hopheux diuqfoux, bouxboqvenz doq boq doq diuq, boux boq dig hix boq dwk sing sepset, gyongraez hung, gyongraez iq caeuq boux roq gyonglaz itmienh ciuq ciethoh yaem’ wenq haenqnyieg bekroq, itmienh hemq haha hwhw dem heiqfaenh, gij sing

gyonglaz, sing venz, sing dig sekrwz caeuq gij sing gyongraez cietbek huzndei nem gij sing hemq haenx, gyoebbaenz singhab ndeidingq, sanggau doenghdaenh, ciengzmienh hungloet, hawj vunz sim’ angq, gij daegcwng yawjngonz de yienhsag, baenz gij dijbauj yisuz minzczu najrongh Yauzczu Fuconh daihdaih swncienz haenx.

Bi 1957 caeuq bi 1964, aen doih “foux gyongraez aenvenz Yauzczu” Mbanjhujmajlingj, Mbanjdacingj gonqlaeng bae Baekging vih bouxlingjdauj guekgya biujyienj gvaq, vanzlij bae camgya daengx guek yindungvei caeuq swcigih minzyinvei biujyienj hanghmoeg biujyienj haujlai baez caemhcai ndaej ciengj gvaq. Haujlai bi gvaqdaej, miz haujlai canghdiuqfoux, Cangh-yauzyoz, canghyinzeiyozy ndaw guek gonqlaeng bae Fuconh yawjngonz, mumaeq caeuq hagsib foux gyongraez aenvenz Yauzczu, caemhcai au gijneix guh sucaiz cauuhgu le haulai diuqfoux Yauzczu caeuq gij cozbinj yaem’ wenq Yauzczu. Bi 2008, “foux gyongraez aenvenz Yauzczu Fuconh” ndaej Gozvuyenz liedhaej buek daihngieh guekgya feihvuzciz vwnzva yizcanj mingzloeg.



▲ Youq gyang mbanj diuq
ndaej angqyangz.



▲ Diuqfoux angqhoh ngoenzciet.



▲ Hekyouz hag diuq foux
gyongraez.



▲ Bouxswncienz son
gyoengq hagseng diuqfoux.



▲ Vunzlai caez diuq nauh-
yied raeuh.